



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 149. An & qualiter per contractum supersiciarium libellarium &
similem res ecclesiæ alienetur.

[urn:nbn:de:hbz:466:1-73957](#)

que formalis locatio sit sed vi illius tantum ea promittitur. Verum, cum non appareat ratio, cur potius pactum in publica, quam in privata scriptura contentum aut privatim factum sit virtualis locatio aut alienatio; sed utrumque æquè solùm contineat istam obligationem personalem locandi, non secus ac promissio matrimonii, non matrimonium sed solùm continet obligationem illud contrahendi; hinc, inquam, de utroque casu pariformiter loquantur & sentiunt. Molin. cit. d. 466, num. 5. Quarant. cit. num. 18. Ricc. decis. 71. Guttier. q. 9. Can. L. 2. c. 13. & alii apud Delben. num. 8, nimurum, quod non fiat hac ratione locatio ultra triennium. Unde etiam docent posse beneficiatum obligare se obligatione personali ad concedendam commoditatem percipiendi ad plures annos fructus beneficij sui; cum per hoc rem ecclesiæ non alienet, seu jus in eam conferat, sed solùm ad fructus illius personaliter obligetur. hinc sit

Quæst. 146. *An igitur beneficiarius Fructus beneficij licet absque solennitate ad longum tempus locare aut vendere possit?*

R Esp. Id eum posse, non obstante Extrav. ambitus, etiam in locis, ubi ea recepta, modo ipsi fundi, unde hi fructus percipiuntur, ultra triennium non eloquentur. Ita probabilius Abb. in c. 2. de his quæ sunt à Prelat. &c. in c. veniens de transact. num. 1. Covar. L. 2. var. c. 16. num. 6. Molin. de just. L. 1. tr. 2. d. 466. Molin. de primog. L. 1. c. 2. num. 27. Mantic. de rati. & ambig. convey. tr. 2. L. 5. tit. 3. num. 21. Valq. de reddit. c. 2. §. 2. anum. 31. Less. de Inst. c. 24. du. II. num. 7. Azor. p. 2. l. 9. c. 2. q. 7. & alii, quos citat & sequitur Delben. c. 8. du. 10. num. 1, contra Armill. v. locatio num. 5. Sa. v. conductio, num. 13. Ricc. decis. 114. num. 5. Gutt. L. c. 88. num. 14. Bonac. de contract. feud. qu. 8. p. 4. num. 32. Barbos. de potest. Epis. p. 3. alleg. 95. num. 20. & alios. Ratio responsionis est, quod dicti fructus non sint res seu bona ecclesiæ, sed privati nempe beneficiarii locatoris. Unde etiam, si conductor nullum jus in fundum acquirat; adeoque locatio exspirat morte locatoris, aut à motione illius à beneficio, nullum ecclesiæ, aut etiam beneficiario successori ex tali locatione seu alienatione fructuum imminet periculum aut præjudicium; ut id illis imminet, si locatio ipsum fundum coningeret immediate; tunc enim non exspiraret, sed beneficiatus successor tenebatur stare locationi legitime factæ à prædecessore, non tamen factæ ab eo illegitimè; ita ut in casu, dum. V. g. deprehendit ecclesiæ esse enormiter lœsam per talem locationem contingentem ipsum fundum, possit uti beneficio restitutionis in integrum. Ut etiam, si locatio ad triennium ea lege facta fuisset, ut conductor in primo anno solvat multum, in reliquis duobus annis parum, crearetur successor præjudicium, hic, calu quo prior locator moretetur interea non renetur stare tali locationi; quin heredes defuncti locatoris teneantur ex anticipata illa pecunia ad restitutionem eum proportione pro numero annorum, qui post mortem locantis superfluit. ut Delb. c. 17. du. 24. à num. 6. De cætero quæ contra locationem fructuum ad longum tempus objici possent, vide dilata à Delb. c. 8. du. 10.

Quæst. 147. *An valeat mandatum ad locandum res ipsius Ecclesiæ ultra triennium?*

R Esp. Pro ut hæc quæstio diversos sensus habere potest, ita diversimodè ad illam respondendum. Nam primò, si sensus sit, num valeat mandatum, vi cuius quis locare possit ad longum tempus, patet non valere; cum sicut ipse principalis locare nequit ad longum tempus, ita etiam alteri committere nequit, ut sic elocet ad longum tempus. Secundò: si sensus sit, num mandatum datum ad elocandum valeat & duret adhuc post elapsum triennium, ita ut non egeat commissarius nova commissione seu mandato, sed possit in viejusdem mandati plures successive facere locationes ad triennium seu triennales ejusdem rei ecclesiasticae, videtur respondendum affirmativè, seu id non prohiberi. Sicut enim ipse principalis administrator rerum ecclesiasticarum potest res ilias pluribus successive locationibus locare absque eo, quod dicatur locare ultra triennium, intellige, simultaneè, sic quoque id ipsum alteri committendo vices luas uno eodemque mandato, ita ut necesse non habeat illud quolibet triennio renovare. Delb. c. 18. du. 7.

Quæst. 148. *An & qualiter valeat renovatio locationis factæ ad triennium ex nondum elapsō?*

R Esponder Delb. l. c. du. 3. distinguendo, ita ut dicat valere eam, si fiat renovatio post secundum annum elapsum, intellige, iterum contrahendo ad triennium vel infra triennium; èo quod tunc non censeatur prior contractus continuari, & extendi ultra triennium, adeoque non presumatur cum fraude procedere renovans; sed antiquo contractu finito (cum partum, quod adhuc restat ad compleendum triennium pro nihilo computetur) res de novo locari. Si vero fiat renovatio ante ceptum secundum annum cum eadem persona, sit invalida, ramè si pensio varietur; èo quod tunc presumatur fraus, & verum sit dicere; rem ecclesiæ uni locatam ad quinquennium; dum nimurum renovatio extenditur ad triennium; cum non sit novus contractus, sed prior extendatur; quia jam locum non haber illud: parum pro nihilo reputatur; cum facta renovatione ante ceptum secundum annum adhuc restet potior pars triennii, citat pro hoc Delb. Molinam cit. d. 466. circa finem, & Valquium de emphyteusi. q. 29. num. 15, nisi quod is contratum teneat in casu, quo mutaretur pensio. Quod licet improbat Delb. dicendo, variationem illam pensionis non integrè tollere præsumptionem fraudis, neque impedire, quo minus dicatur locatum illi ad quinquennium; adhuc ab eo videtur dici non improbabiliter; cum variatio pensionis satis videatur mutationem contractus, & introductionem novi arguere, sive parum sive multum restet ex priore triennio.

Quæst. 149. *An & qualiter per contractum superficiarium, Libellarium & similem res Ecclesiæ alienetur?*

R Esp. Breviter: Idem ferè dicendum de illo, quod de locatione nimurum quod cum per illum

illum trasferatur jus aliquod utile, adeoque, si fiat ad longum tempus sit species aliqua alienationis prohibite per Extrav. ambitiosæ.

Quæst. 150. An & qualiter res ecclesiastica alienetur per constitutionem servitutum aliarum in ea?

Resp. Primò in genere: Nomine alienationis comprehendit constitutio servitutis, sive realis sive personalis, quam in re ecclesiastica alienari prohibita, constituere (intellige, sine juris solennitate) est prohibitum *L. ult. C. de reb. alien. vel non alien.* Pith. *b.t. num. 10.* citans Molin. *de just. tr. d. 464. in fine. item C. de Luca. de servit. d.d. 17. num. 5.* ubi: contra ecclesiam constitui vel acquiri non potest servitus, utpote sapiens speciem alienationis, absque solennitate beneplaciti Apostoli, & justa causa necessitatibus vel utilitatis juxta *Extrav. ambitiosæ*, quin peculia prohibitione contenta in *clem. 1. de excommunic.* prohibitum est laicis acquirere servitudinem in ecclesiæ *C. de Luca. c. & d. 16. n. 2.* loquens etiam specialiter de prospectu acquirendo in ecclesiæ. citans Barbos. *juris eccles. L. 1. c. 11. num. 28.* Gavant. *man. episc. v. ecclesia. num. 27.* testantes sic decisum per S. Congregat.

2. Resp. Secundò in specie, non posse Præstatum seu Rectorem ecclesiæ; vel etiam alium beneficiatum alteri concedere usumfructum fundi ecclesiastici. *c. 2. de locat.* Quamvis ipsos fructus, ut dictum supra eorumque commoditatem concedere valeat quo ad vitam suam, non ultra sine solennitate, etiæ jus ipsum fruendi & utendi alio; quam usumfructuarii nomine transferre nequeat. Pith. *loc. cit.* Quemadmodum etiam parochus aliasve beneficiarius jus decimatum in alium transferre potest; fructus tamen decimatarum vendere aut locare potest etiam laico, ita ut is eos non suo, sed parochi nomine percipiat. Pith. *loc. cit.* cum Laym. *disp. Can. de reb. eccl. alien. thes. 8.*

Quæst. 151. An & qualiter fieri possit alienatio rerum Ecclesiæ per constitutionem census?

Resp. Prohiberi quoque per *Extrav. ambitiosæ* contractum censualem seu constitutionem census, tam perperui, quam vitalitatem (intellige, sine solennitate juris factam) super re ecclesiæ. Redoan. *d. reb. eccl. non alien. c. 27.* Molin. *de just. tr. 2. d. 494. Azor. p. 1. L. 9. c. 1. qu. 2.* Covar. *L. 2. var. c. 2. §. 2.* Delben. *c. 17. dn. 1. num. 29.* ea autem, quæ Idem *du. 3. num. 2.* ponit in parenthesi: *quamvis impositio census fiat à Capitulo pro sustinendis expensis litis:* etiæ videantur continere confirmationem & extensionem responsionis; juntistramen verbis summarii *num. 3.* sonant in exceptionem. Et sic in specie juxta expressum & speciale decreterum & declarationem S. Cong. Concilii sub die 21. Maii 1624. sub penit in eodem decreto & *Extrav. ambitiosæ* expressis prohibent regulares inconsulto Pontifice fundare censum, aut pecunias accipere ad mutuum. Novat. *in sum. Bullar. tit. de alien. num. 3.* Peyrin. *in privileg. Minorum. Tom. 2. Conf. Urban. VIII.* Delben. *c. 17. dn. 3. num. 1.* Nisi tamen excusat urgens necessitas, & interim adiri nequeat Papa, aut S. Cong. quo calu etiam fieri posse oppi-

gnationem Lampadum & Candelabrum argenteorum, cum Dian. *p. 5. tr. 13. resol. 6.* & Peyrin. dicit Delben. *l. c. num. 3.* Vel etiam nisi excusat consuetudo legitimè præscripta aduersus cit.

decretem S. Cong. ut Lezan. *in Sum. qq. regular. c. 13. num. 3.* apud Delb. *num. 4.* Porrè hujus prohibitionis ratio est, quod impositio census cum sit quædam venditio libertatis bonorum, contieneat rationem alienationis seu translationis dominii sive directi, sive utilis, *L. fin. C. de reb. eccl. non alien.* Naldus. *v. censu. num. 3.* *C. de Luca. de censib. d. 7. num. 2.* ubi: hodie receptissimum præsertim in Rota & Curia impositionem census importare veram alienationem, cadentem sub dispositione *Extrav. ambitiosæ*. Ad cuius effectum copulativæ requiruntur solennitas, hodiæ consistens in beneplacito Apostolico, & justa causa necessitatis & evidenter utilitatis, ita ut unum sine altero non sufficiat. Multoque magis locum habent in constitutione census vitalitatem, utpote quæ expresse ostendit ad alienationem, quæ continet secura morte. Unde etiæ constitutione census vitalitatem de præsente sit emptio juris percipiendi fructus ex re fructifera, est tamen alienatio pro tempore futuro; adeoque dicenda non tam emptio quam alienatio fieri prohibita per *Extrav. ambitiosæ*. Delben. *c. 17. dn. 2. S. 3. num. 31.* His tamen non obstantibus, potest ecclesia, & in specie monasterium seu regulares emere fundum vel domum, cui jam impositus census; cum in hoc casu ecclesia non tam alienet, quam acquirat bonum illud stabile tali onere affectum. Delben. *loc. cit. num. 8.* *C. de Luca loc. cit. num. 6.* Quin etiam juxta Eundem *ibidem. num. 3.* potest constitui feuerari census V. g. super domo ædificanda vel ædificatione acquirenda, initium datum, seu ei inexstiturus, si & postquam ædificata fuerit. Hæc ratione, dum ecclesia, novum ædificium volens constitutre pro illius ædificatione proque soli acquisitione pecuniam acciperet ad censum hoc pacto, ut census ille creatus conferetur, si & postquam ædificium redactum erit ad esse rei frugiferæ & capacis istiusmodi census, stanc interea hoc contractu quasi in pendulo, & in terminis conventionis conditionalis, tunc prius sortituræ effectum, ubi illa conditio purificata, nimitem ubi ædificium constructum. In eo siquidem casu non agitur contra *Extrav. ambitiosæ*, seu nihil de bonis ecclesiæ alienatur, sed onus imponitur rei acquirendæ, ita ut haec eo ipso instante, quo existit, seu acquiritur, dicatur habere annexum illud onus & tanquam sibi intrinsecum, seu prius impressum. Unde licet rei, quæ non est, imponi nequeat actu onus, potest tamen sic pactari, ut ea, quam primum existat, habeat hoc onus circa omne aliud factum pacientium. Neque videtur contrarium Bulla Pianæ super forma creandi census aliquæ juribus requirentibus fundum capacem & fructiferum pro tempore ipsius creationis census. Hoc enim in eo sensu accipiendum: ut census actu inexistant fundo existenti, id debet esse actu fructifer, per quod non negatur posse constitui censum anticipativè in futura, & quasi conditionate, si & ubi ea existat, ut etiam, ubi plura requiruntur ad perficiendum contractum, non repugnat ea ponni diverso tempore prius numeratur pecunia tanquam preparatio seu preventivum implementum requisiti pro contractu perficiendo pro tunc, & postquam ædificium construendum ad statum capacitatis census pervenerit.

Quæst.